

YANGI O'ZBEKISTONNING O'Z TANLAGAN YO'LI

Abdumutalova Diyora Avazbek qizi

Andijon viloyati Baliqchi tumani 50-IDUM o'quvchisi

Nurmuxammatov Shoxruxbek Murod o'g'li

Ilmiy rahbar IMMBT Andijon viloyati Baliqchi tumani 50-IDUM

<https://doi.org/10.5281/zenodo.7309337>

Xalq boy bo'lsa mamlakat qudratli bo'ladi !

O'zbekiston Respublikasi Prezidenti: Sh.Mirziyoyev

Annotatsiya. Ushbu maqolada Prezidentimiz Shavkat Miromonovich Mirziyoyevning o'zi ishlab chiqqan taraqqiyot strategiyasi orqali mamlakatimizni qisqa 5 yil ichida qanchalik o'zgartirib haqiqiy demokratik mamlakatga aylantirganligini va o'z tanlagan yo'lidan aslo og'ishmasdan xarakatlanishini, kelgusi avlodlarga esa Buyuk mamlakatni meros qoldirishni ko'rishimiz mumkin bo'ladi.

Kalit so'zlar : jonajon Vatanimiz, Mustaqillik, Harakatlar strategiyasi, meros, islohot.

НОВЫЙ УЗБЕКИСТАН СОБСТВЕННО ИЗБРАННЫЙ ПУТЬ

Аннотация. В этой статье мы увидим, насколько Президент Шавкат Миромонович Мирзиёев за короткие 5 лет превратил нашу страну в настоящую демократическую страну благодаря разработанной им стратегии развития, и как он никогда не отклонится от избранного пути и оставит в наследство великая страна будущим поколениям мы сможем достичь.

Ключевые слова: дорогая Родина, Независимость, Стратегия действий, наследие, реформа.

NEW UZBEKISTAN OWN PATH

Abstract. In this article, we will see how President Shavkat Miromonovich Mirziyoyev has turned our country into a real democratic country in a short 5 years thanks to the development strategy he developed, and how he will never deviate from the chosen path and leave a legacy of a great country to future generations we can achieve.

Keywords: dear Motherland, Independence, Action Strategy, heritage, reform.

KIRISH

Prezident Shavkat Mirziyoyev «O'zbekiston Respublikasi davlat mustaqilligining o'ttiz bir yillik bayramiga tayyorgarlik ko'rish va uni yuqori saviyada o'tkazish to'g'risida»gi qarorni imzoladi. Xuddi shunday hujjat har yili Mustaqillik kuni arafasida qabul qilinadi.

«So'nggi yillarda, dunyoda koronavirus pandemiyasi va iqtisodiy inqiroz, keskin raqobat, turli qarama-qarshilik va ziddiyatlar tufayli yuzaga kelgan g'oyat og'ir va murakkab vaziyatda mard va olijanob xalqimizning fidokorona mehnati bilan Yangi O'zbekistonni barpo etish va uni jahonga tarannum qilish bo'yicha muhim natijalarni qo'lga kiritayotganimiz, bu yutuqlar xalqaro jamoatchilik tomonidan e'tirof etilayotgani, eng asosiysi, vatandoshlarimizning ongu tafakkuri, dunyoqarashi o'zgarib, ular islohotlar samarasini kundalik hayotida his qilib yashayotganini alohida ta'kidlash zarur», — deyiladi hujjatda.

TADQIQOT MATERIALLARI VA METODOLOGIYASI

«2022–2026 yillarga mo'ljallangan Yangi O'zbekistonning taraqqiyot strategiyasini amalga oshirish, erishilgan yutuqlarni mustahkamlab, tub islohot jarayonlarini yangi bosqichga ko'tarish, inson huquq va manfaatlarini, uning qadri, sha'ni va g'ururini yetakchi o'ringa olib

chiqish ustuvor vazifamizga aylangan hozirgi vaqtda yurtimizda tinchlik va barqarorlikni saqlash, davlatimizning hududiy yaxlitligi va bo‘linmasligi, sarhadlarimiz daxlsizligini ta‘minlash, millatlararo totuvlik, diniy bag‘rikenglik va hamjihatlikni mustahkamlashga intilish ko‘p millatli xalqimizni yanada birlashtiradigan, yuksak marralarga safarbar etadigan beqiyos kuchga aylanib bormoqda», — deya qayd etiladi qarorda.

Jonajon Vatanimiz – O‘zbekiston Respublikasi o‘zining davlat mustaqilligini qo‘lga kiritgani va mustaqil taraqqiyot yo‘lini boshlaganiga 31 yil bo‘ldi. Istiqlol el-yurtimiz uchun o‘z taqdirining haqiqiy egasi bo‘lib, qadr-qimmatini anglab, munosib hayot kechirish, yurtimizda huquqiy demokratik davlat va fuqarolik jamiyatini barpo etish imkoniyatini yaratdi. Ayni paytda u har bir odamning iqtisodiy, ijtimoiy sohalarda iste‘dod va qobiliyatini to‘la namoyon etishi, huquq va erkinliklarini ro‘yobga chiqarishining mustahkam zaminidir. Mustaqillik yillarida ko‘hna tariximiz, boy merosimiz, milliy davlatchiligimiz, muqaddas dinimiz, urf-odat va an‘analarimiz qayta tiklandi. Bugungi kunda mehr-oqibat, bag‘rikenglik hamjihatlik kabi olijanob fazilatlar, milliy va umumbashariy qadriyatlarga hurmat, Vatan taqdiri va kelajagiga daxldorlik tuyg‘usi yuragimizning tub-tubidan o‘rin oldi.

Mamlakatimiz mutaqilligining 31 yilligini nishonlash arafasida, o‘tgan davr mobaynida bosib o‘tilgan murakkab yo‘limizga yana bir bor nazar tashlash, mustaqil taraqqiyotimiz davomida amalga oshirilgan ishlar, erishgan natijalarni xolisona baholash va ularning mohiyati va ahamiyatini keng jamoachilik, butun xalqimizning ongi shuuriga yetkazish maqsadga muvofiqdir.

TADQIQOT NATIJALARI

Darhaqiqat, istiqloq tufayli o‘zligimizni angladik, ozod xalq, mustaqil davlat sifatida O‘zbekistonning bor bo‘y-bastini, ulkan salohiyatini butun dunyoga namoyon qilish imkoni ochildi. Ozodlik bois bizni jahon tanidi, xalqimizning fidokorona mehnati, yoshlarimizning g‘ayrati, azmu shijoati ila vatanimizning shon-shuhrati olam uzra yanada kengroq yoyilmoqda. Hurriyat bergan beqiyos imkoniyatlar negizida ertangi kunimiz - erkin va farovon kelajagimizni o‘z qo‘limiz bilan bunyod etmoqdamiz.

“Mustaqillik” va “islohot” tushunchalariga mushtarak so‘zlar sifatida qarashimiz tabiiy, albatta. Chunki faqat mustaqil davlat va mustaqil jamiyatdagina islohotlarni amalga oshirish mumkin. Mustaqillik ham, islohotlar ham insonning yaxshi yashashi, munosib turmush darajasiga erishishi uchun zarur sharoit yaratdi. Mamlakatimizda mustaqillik yillarida olib borilgan keng ko‘lamli islohotlar natijasida milliy davlatchiligimiz poydevori mustahkamlanib, davlatimiz suvereniteti, chegaralarimiz daxlsizligi ta‘minlandi, jamiyatimizda tinchlik va osoyishtalik, millatlararo totuvlik va diniy bag‘rikenglik muhitini kuchaytirish, qonun ustuvorligi, inson huquq va erkinliklari hamda manfaatlarini ro‘yobga chiqarish bo‘yicha ulkan ishlar amalga oshirildi. Iqtisodiyotda ma‘muriy-buyruqbozlikka asoslangan eski boshqaruv tizimidan voz kechib, bozor munosabatlariga bosqichma-bosqich o‘tilgani, pul-kredit siyosati puxta o‘ylab olib borilgani, kichik biznes va xususiy tadbirkorlik, fermerlik harakati uchun yo‘l ochib berilgani makroiqtisodiy barqarorlikni, iqtisodiyotning yuqori sur‘atlar bilan rivojlanishini ta‘minlash, inflyatsiyani prognoz ko‘rsatkichlari darajasida saqlab qolish, eng muhimi, xalqimizning hayot sifati darajasini oshirishda hal qiluvchi ahamiyatga ega bo‘lmoqda. 2017-2021 yillarda O‘zbekiston Respublikasini rivojlantirishning beshta ustuvor yo‘nalishi bo‘yicha Harakatlar strategiyasi ishlab chiqildi va O‘zbekiston Respublikasi Prezidenti Shavkat

Mirziyoyev tomonidan imzolandi. Bunga muvofiq davlat va jamiyat qurilishi tizimini takomillashtirishning 5ta ustuvor yoʻnalishi keltirilgan:

- demokratik islohotlarni chuqurlashtirish va mamlakatni modernizatsiya qilishda Oliy Majlis palatalari, siyosiy partiyalarning rolini yanada kuchaytirish;
- qonun ustuvorligini taʼminlash va sud-huquq tizimini yanada isloh qilish;
- iqtisodiyotni rivojlantirish va liberallashtirish;
- ijtimoiy sohani rivojlantirish;
- xavfsizlik, millatlararo totuvlik va diniy bagʻrikenglikni taʼminlash hamda chuqur oʻylangan, oʻzaro manfaatli va amaliy tashqi siyosat sohasidagi ustuvor yoʻnalishlardir.

MUHOKAMA

Demokratik islohotlarni chuqurlashtirish va mamlakatimizni modernizatsiya qilishda parlamentning rolini yanada kuchaytirish, davlat boshqaruvi va davlat xizmatining tashkiliy-huquqiy asoslarini rivojlantirish, davlatning iqtisodiyotni tartibga solish borasidagi funksiyalarini qisqartirish, “yagona oyna” tamoyili boʻyicha davlat xizmatlarini koʻrsatish tizimini keng joriy etish, jamoatchilik nazorati mexanizmlarini amalda tatbiq etish va fuqarolik jamiyati institutlari hamda ommaviy axborot vositalari rolini kuchaytirish yoʻlida davlat va jamiyat qurilishini takomillashtirishdan iborat. Sud hokimiyatining chinakam mustaqilligini, fuqarolarning huquq va erkinliklarini ishonchli himoya qilish kafolatlarini taʼminlash, yurtdoshlarimiz tomonidan odil sudlovga erishish darajasini oshirish, jinoyatchilikka qarshi kurashish va huquqbuzarliklarning oldini olish tizimini takomillashtirish, sud jarayonida tortishuv tamoyilini toʻlaqonli joriy etish, yuridik yordam va xizmatlar sifatini tubdan yaxshilash uchun qonun ustuvorligini taʼminlash va sud-huquq tizimini yanada isloh qilishga eʼtiborni yanada kuchaytirishdan iborat. Iqtisodiyotning ochiqligi va raqobatdoshligini oshirish, iqtisodiy mustaqillikni kuchaytirish, makroiqtisodiy barqarorlikni mustahkamlash va iqtisodiy oʻsish surʼatlarini saqlab qolish, yetakchi ishlab chiqarish tarmoqlarini modernizatsiya va faol diversifikatsiya qilish, moliya-bank sohasini tubdan isloh etish, xususiy mulk va tadbirkorlikni har tomonlama himoya qilish, tashqi iqtisodiy aloqalarni yanada kengaytirish, xorijiy investitsiyalarni faol jalb etish, turizm tarmogʻini samarali rivojlantirish, qishloq xoʻjaligida tarkibiy oʻzgartirishlarni amalga oshirish maqsadida iqtisodiyotni yanada rivojlantirish va liberallashtirishdan iboratdir. Ijtimoiy sohani rivojlantirishga yoʻnaltirilgan aholi bandligi va real daromadlarini izchil oshirib borish, ijtimoiy himoya va sogʻliqni saqlash tizimini takomillashtirish, xotin-qizlarning ijtimoiy-siyosiy faolligini oshirish, arzon uy-joylar barpo etish, yoʻl-transport, muhandislik-kommunikatsiya va ijtimoiy infratuzilmalarni rivojlantirish hamda modernizatsiya qilish boʻyicha maqsadli dasturlarni amalga oshirish, taʼlim, madaniyat, ilm-fan, adabiyot, sanʼat va sport sohaslarini rivojlantirish, yoshlarga oid davlat siyosatini takomillashtirish;

Xavfsizlik, millatlararo totuvlik va diniy bagʻrikenglikni taʼminlash, chuqur oʻylangan, oʻzaro manfaatli va amaliy ruhda tashqi siyosat yuritishga yoʻnaltirilgan davlatimiz mustaqilligi va suverenitetini mustahkamlash, Oʻzbekistonning yon-atrofida xavfsizlik, barqarorlik va ahil qoʻshnichilik muhitini shakllantirish, mamlakatimizning xalqaro nufuzini mustahkamlash.

XULOSA

Farmon bilan 2017–2021 yillarda Oʻzbekistonni rivojlantirishning beshta ustuvor yoʻnalishi boʻyicha Harakatlar strategiyasini amalga oshirish boʻyicha Milliy komissiya, shuningdek ustuvor yoʻnalishlarni amalga oshirish boʻyicha komissiyalar tashkil etildi. Har

qanday g'oya, agar u kelajakka bo'lgan ishonchni mustahkamlasa, jamiyatning kuchi va resurslarini jalb qila olsagina, muvaffaqiyatga erishishi mumkin. Shuni g'urur bilan aytish joizki, aholi turli qatlamlari bildirayotgan fikr-mulohazalar, takliflar Harakatlar strategiyasi loyihasi xalqimizning yaratuvchanlik salohiyatini yanada keng ro'yobga chiqarib, odamlarimizni shijoat bilan ezgu maqsadlar yo'lida birlashtirishga qodirligini ko'rsatdi. Harakatlar strategiyasini qabul qilish bo'yicha jamiyatimizning barcha qatlami yakdillik namoyish etayotgani xalqimizning ulkan muvaffaqiyatlar, taraqqiyotning yangi marralariga erishish, pirovardida odamlarimiz turmush darajasini yanada oshirish imkonini beradi.

REFERENCES

1. Yangi O'zbekiston Strategiyasi (Sh.Mirziyoyev)
2. O'zbekiston intseklopediyasi
3. O'zbekiston tarixi
4. Kun.uz
5. Uzedu.uz
6. Wikipediya.com
7. My.gov.lex.uz